

*Electio æconomi bonorum ecclesiasticorum, cæcoria & ædificii.*

V. In electione æconomorum bonorum ecclesiasticorum, cantorum & ædituorum, eadem sunt spectanda, quæ in electione presbyterorum & diaconorum. à quibus videl. sint vocandi, & quales esse debeant.

Principio æconomi seu procuratores bonorum ecclesiasticorum, aut sunt ipsi diaconi, aut ab iis diuersi, qui specialiter appellantur ædiles fabricarum. Hi eligentur à pastore & senioribus ecclesiæ, præsentem prætore loci, & aliis viris grauibus & piis. Eligentur, inquam, ex piis, honestis, prudentibus, & integræ famæ hominibus. Cantores eligit pastor vna cum senioribus, & dispiciet, num duabus illis notis sint insignes, qui hic vel imprimis requiruntur, puta humilitate & peritia. Denique æditui seu ianitores, qui gustum veræ doctrinæ habeant, literas legere & pingere queant, pietatis sint amantes, honestæ & integræ vitæ & famæ testimonium habeant, à pastore & senioribus eligentur.

#### C A P. I V.

*De rebus politia ecclesiastica.*

#### P R Æ C E P T A.

*Materia politia ecclesiastica sunt res politia ecclesiastica, quarum tria sunt genera, videl. templa, vasa sacra, & bona ecclesiastica.*

*Templa sunt ades sacre, in quibus populus Christianus ad auditum verbi Dei, sacramentorum administrationem, preces publicas, & similia cultus diuini exercitia conuenit ordinis & decori causa.*

*Vasa sacra sunt, quorum usus est in administratione sacramentorum.*

*Bona ecclesiastica sunt necessaria adminicula, sine quibus ecclesia in hac humana infirmitate administrari non potest.*

#### R E G V L Æ.

*Que sunt obseruanda circa templa Christianorum.*

I. Circa templa Christianorum tria sunt obseruanda, necessitas, modus & partes.

Templa non sunt præcise necessaria ad cultum Dei: quia videmus ante templum Salomonis, quod vnicum fuit in Judæa, nullum